

ՀԻՄՆԱԿԱՆ ՀԱՄԱՁԱՅՆԱԳԻՐ
ՀԱՅԱՍՏԱՆԻ ՏԱՐԱԾՔԱՅԻՆ ՁԱՐԳԱՑՄԱՆ ՀԻՄՆԱԴՐԱՄԻ
ԵՎ
ԾՐԱԳԻՐՆ ԻՐԱԿԱՆԱՅՆՈՂ ԿՈՄԻՏԵԻ ՄԻՋԵՎ

«29» հունվարի, 2019թ.

Ծրագիր N TAT-11

Հայաստանի Տարածքային զարգացման հիմնադրամը (այսուհետ՝ ՀՏՁՀ) ի դեմս գործադիր տնօրեն Աշոտ Կիրակոսյանի, որը գործում է ՀՏՁՀ Կանոնադրության հիման վրա, մի կողմից,

և

Արարատի մարզի Երասխա համայնքի «Երասխի դպրոցի մասնաշենքի վերակառուցում մանկապարտեզի» ծրագիրը (այսուհետ՝ Ծրագիր) իրականացնող կոմիտեն (այսուհետ՝ ԾԻԿ) ի դեմս նախագահ Ռադիկ Օղիկյանի, որը գործում է համայնքի ընդհանուր ժողովի որոշման և 30 մայիսի, 2017թ. թվագրված լիազորագրի հիման վրա (Հավելված 1), մյուս կողմից, այսուհետ միասին Կողմեր, պայմանավորվում են հետևյալի մասին.

պայմանավորվում են հետևյալի մասին.

I. ՀԱՄԱՁԱՅՆԱԳՐԻ ԱՌԱՐԿԱՆ

Իրականացնել «Երասխի դպրոցի մասնաշենքի վերակառուցում մանկապարտեզի» Ծրագիրը համաձայն Հավելված 2-ում (Նախահաշիվ) և Հավելված 3-ում (Գծագրեր ու տեխնիկական պայմաններ) նկարագրված աշխատանքները (այսուհետ՝ աշխատանքներ)՝ համայնքի մասնակցությամբ և նրա ներդրման օգտագործմամբ:

II. ԾՐԱԳՐԻ ԱՐԺԵՔԸ

2.1. Ծրագրի նախահաշվային արժեքը կազմում է **153,104,408** (մեկ հարյուր հիսուններեք միլիոն մեկ հարյուր չորս հազար չորս հարյուր ութ) դրամ և մանրամասն, ըստ տեսակի և աղբյուրի սահմանվում է սույն Համաձայնագրի համապատասխան Հավելվածների:

2.2. ԾԻԿ-ը պարտավորվում է համայնքի կամ այլ ներդրումների հաշվին ապահովել Ծրագրի նախահաշվարկային արժեքի **10%-ի** վճարումը: Այն կազմում է **15, 310, 440** (տասնհինգ միլիոն երեքհարյուր տաս հազար չորս հարյուր քառասուն) դրամ: Այս գումարը ներառում է.

(ա) համաձայն Կողմերի միջև ստորագրված Նախնական Համաձայնագրի (Հավելված 4) համայնքի կողմից արդեն իսկ կատարված վճարումը, որը կազմել **8,000,000** (ութե միլիոն) դրամ, և

(բ) ՀՏՁՀ-ի համաձայնությամբ համայնքի կողմից պատվիրված մասնագիտացված նախագծա-նախահաշվային աշխատանքների և շինարարական աշխատանքների արժեքը, որը կազմել է 0 դրամ՝ ըստ սույն Համաձայնագրի Հավելված 6-ում ներկայացված պայմանագրի և վճարման փաստաթղթերի:

Հաշվի առնելով այս վճարումները, համայնքի ներդրման մնացորդը կազմում է **7, 310, 440** (յոթ միլիոն երեք հարյուր տաս հազար չորս հարյուր քառասուն) դրամ: ԾԻԿ-ը պարտավորվում է ապահովել այս գումարի վճարումը ՀՏՁՀ-ի բանկային հաշվին սույն Համաձայնագիրը ստորագրելուց հետո 30 օրացույցային օրվա ընթացքում:

Այս գումարը կարող է փոփոխվել միմիայն մեկ դեպքում՝ եթե Ծրագրի իրականացման ընթացքում ԾԻԿ-ի առաջարկով և ՀՏՁՀ-ի համաձայնությամբ կատարվի աշխատանքների ծավալների ավելացում, ԾԻԿ-ի ներդրումը համապատասխանաբար պետք է վերանայվի և ավելացվի լրացուցիչ աշխատանքների արժեքի **10%-ի** չափով:

2.3. Նախորդ կետով սահմանված Ծրագրի համաֆինանսավորման համայնքի բաժնեմասը 30 օրացույցային օրվա ընթացքում չվճարելու դեպքում ծրագիրը կարող է մերժվել:

2.4. ՀՏՁՀ-ն համաձայնվում է վճարել Ծրագրի ընդհանուր արժեքի մնացած մասը, որն ըստ ՀՏՁՀ-ի կազմված նախահաշվի կազմում է **137,793.968** (մեկ հարյուր երեսունյոթ միլիոն յոթ հարյուր ինսուններեք հազար ինը հարյուր վաթսունութ) դրամ:

Այս գումարը նախնական է և ենթակա է վերանայման մրցույթում հաղթած կապալառուի առաջարկած գնի և ծրագրի իրականացման ընթացքում աշխատանքների ճշտված ծավալների հիման վրա:

2.5. Համաձայնագրի ընդհանուր արժեքը և ՀՏՁՀ-ի բաժնեմասի գումարները կրում են կողմնորոշիչ բնույթ: Աշխատանքների համար բոլոր վճարումները կատարվում են ԾԻԿ-ի կողմից կնքված և ՀՏՁՀ-ի կողմից հաստատված պայմանագրերի և վճարման փաստաթղթերի (կատարողական ակտեր և այլն) համաձայն:

III. ԳՆՈՒՄՆԵՐԻ ԵՎ ԿԱՊԱԼԱՌՈՒԻ ԸՆՏՐՈՒԹՅԱՆ ԿԱՐԳԸ

3.1. ԾԻԿ-ի կողմից իր վրա վերցրած որևէ պայմանագրային պարտավորություն չունի իրավական ուժ, եթե դրա համար ԾԻԿ-ը չի ստացել ՀՏՁՀ-ի գրավոր համաձայնությունը:

3.2. Ապրանքները և խորհրդատվական ծառայությունները գնվում են ՀՏՁՀ-ի կողմից՝ ըստ ՀԲ-ի սահմանված գնման ընթացակարգի:

3.3. ԾԻԿ-ն իրականացնում է աշխատանքների գնումը՝ 200 000 ԱՄՆ դոլարին համարժեք դրամից բարձր արժեքի դեպքում՝ ազգային մրցույթի, իսկ 200 000 ԱՄՆ դոլարին համարժեք դրամից ցածր արժեքի դեպքում՝ գնանշման միջոցով:

Սույն կետով սահմանված արժեքների դրամով արտահայտված համարժեքները հաշվարկվում են Գնումների պլանում համապատասխան փոփոխության կատարման օրվա դրությամբ ԱՄՆ դոլարի համար ՀՀ ԿԲ-ի կողմից սահմանված փոխարժեքով:

3.4. Ծիկ-ն իրավունք ունի սկսել աշխատանքների գնման գործընթացը միայն համանքի ներդրումն՝ ըստ 2.3 կետի ապահովելուց հետո:

3.5. ՀՏՁՀ-ն շինարարական աշխատանքները վերահսկելու համար վարձում է տեխնիկական վերահսկիչ:

IV. ՎՃԱՐՄԱՆ ԿԱՐԳԸ

4.1. Սույն Համաձայնագրով նախատեսված բոլոր վճարումները կատարվում են ՀՀ դրամով:

4.2. Բոլոր վճարումները կապալառուին, մատակարարներին, տեխնիկական հսկիչներին և այլն, կատարվում են համաձայն նրանց հետ կնքված պայմանագրերի:

4.3. ՀՏՁՀ-ի կողմից Կապալառուին յուրաքանչյուր վճարում կատարվում է ըստ նրա կողմից կատարված աշխատանքի: Կապալառուն պատրաստում և ՀՏՁՀ-ին է ներկայացնում այդ աշխատանքներին համապատասխան կատարողական ակտ: ՀՏՁՀ-ի վերահսկող ինժեները այն ստուգում է և որոշում կատարված աշխատանքի արժեքը՝ ըստ Կապալառուի նախահաշվի համապատասխան տողերի ծավալների և միավոր գների, և հաստատում Կապալառուին վճարվելիք գումարի չափը: Ամեն մի վճարում կատարվում է ըստ պատշաճ կերպով պատրասված վճարման հայտի, որը պատրաստվում է ՀՏՁՀ-ի կողմից և

ստորագրվում ՀՏՁ-ի տեխնիկական վերահսկիչի, վերահսկող ինժեների, Վերահսկման բաժնի վարիչի և Ծրագրերի փորձաքննության և իրականացման վարչության պետի կողմից:

V. ԾԻԿ-Ի ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ

5.1. ԾԻԿ-ը բոլոր աշխատանքները և ծառայությունները ձեռք է բերում Հավելված 7-ում նախատեսված կարգով և օգտագործելով սույն Համաձայնագրում նշված ստանդարտ փաստաթղթերը:

5.2. ԾԻԿ-ը՝ որպես ծրագրի Պատվիրատու, պարտավորվում է Կապալառուի ընտրության գործընթացն ավարտելու և պայմանագիր կնքելու օրվանից 14 (տասնչորս) օրացուցային օրվա ընթացքում մրցույթում հաղթող ճանաչված Կապալառուին տրամադրել Շինարարության թույլտվություն: Նշված պարտավորությունը խախտելու դեպքում ՀՏՁ-ն իրավունք ունի դադարեցնել և մերժել ծրագիրը, իսկ ԾԻԿ-ը պարտավոր է ամբողջությամբ հատուցել ՀՏՁ-ին նախագծման ծախսը, մասնավոր մրցույթի հայտարարության տպագրման, փաթեթների պատրաստման, գործուղման և այլ ծախսերը:

5.3. ԾԻԿ-ը կապալառուին չի թույլատրում կատարել Ծրագրի իրականացման ժամանակացույցի, արժեքի, ինչպես նաև նախագծի, տեխնիկական պայմանների և օգտագործվող նյութերի որևէ փոփոխություն կամ ձևափոխում առանց ՀՏՁ-ի գրավոր համաձայնության:

5.4. ԾԻԿ-ը ապահովում է համայնքի ներդրումը ըստ Համաձայնագրի 2.1 կետի պահանջների:

5.5. ԾԻԿ-ը ընդունում է, որ ՀՏՁ-ն իրավունք ունի ցանկացած ժամանակ, առանց նախագուշացման, ստուգել շինարարական աշխատանքների որակն ու ծավալը, ինչպես նաև օգտագործվող նյութերի որակը:

ՀՏՁ-ն կիրականացնի նաև ամենամյա վերահսկողական այցեր շինհրապարակ՝ ստուգելու աշխատանքների կտրոսրման համապատասխանությունը Բնապահպանական և սոցիալական կառավարման և Վերաբնակեցման քաղաքականության շրջանակներին, ինչպես նաև ՀՀ բնապահպանական և սոցիալական օրենսդրությանը:

5.6. ԾԻԿ-ը պարտավոր է տեղեկացնել ՀՏՁ-ին շինարարական աշխատանքների մեկնարկի մասին:

5.7. ԾԻԿ-ը պարտավոր է ապահովել, որ աշխատանքների կատարման ընթացքում և հետագայում ենթակառուցվածքի շահագործման և պահպանման ընթացքում, Կապալառուի և ենթակառուցի շահագործման համար պատասխանատու կազմակերպության կողմից կկատարվի Բնապահպանական կառավարման պլանը, որը նախապատրաստվել և համաձայնեցվել է ծրագրի նախապատրաստման և փորձաքննության ընթացքում (Հավելված 11)¹:

5.8. ԾԻԿ-ը կայահպանի հետադարձ կապի և բողոքարկման մեխանիզմները, որոնք ստեղծվել են ծրագրի նախապատրաստման և փորձաքննության ընթացքում:

5.9. ԾԻԿ-ը պարտավոր է ապահովել վերականգնման/կառուցված ենթակառուցվածքի շահագործման և պահպանման վերաբերյալ պարբերական (տարեկան և ՀՏՁ-ի հայցով) հաշվետվությունների տրամադրումը ՀՏՁ-ին: Հաշվետվության ձևը ներկայացված է Հավելված 12-ում:

5.10. ԾԻԿ-ը ներկայացնում է ՀՏՁ-ին Ծրագրին վերաբերվող փաստաթղթերի բնօրինակների կնքված փաթեթը, իր մոտ 18 ամսվա ընթացքում պահում է դրանց պատճենները և

¹ ԼԷԿ-ի Ծրագրաշրջանակի Բ կտրոսրման ձևաչափի համար

թույլատրում է ՀՏՁՀ-ի աշխատակիցներին և վերստուգողներին կամ որևէ լիազորված անձի տեղում վերստուգում կատարել: ԾԻԿ-ի մոտ պահվող փաստաթղթերի ցանկը կցվում է (Հավելված 8):

5.11. ԾԻԿ-ը պարտավոր է ծրագրի առաջընթացի վերաբերյալ պարբերաբար տեղեկություններ տրամադրել համայնքին, այդ նպատակով հրավիրելով՝ ըստ անհրաժեշտության, համայնքի ժողով կամ հատուկ տեղեկատվական վահանակներ պահելով: Վահանակի վրա պետք է փակցվեն ծրագրի վերաբերյալ ընդհանուր տեղեկություններ պարունակող նյութեր (Հավելված 9): ԾԻԿ-ի մոտ պահվող բոլոր փաստաթղթերը պետք է մատչելի լինեն և ներկայացվեն համայնքի յուրաքանչյուր անդամի պահանջով:

5.12. ԾԻԿ-ը պարտավորվում է կապալառուի կողմից պայմանագրային պայմանների խախտման դեպքում տրամադրել ՀՏՁՀ-ին տեղեկություն կապալառուին տույժերի ենթարկելու նպատակով:

VI. ՀՏՁՀ-Ի ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ

6.1. ՀՏՁՀ-ն պարտավորվում է ֆինանսավորել ծրագիրը սույն Համաձայնագրի Հավելված 2 և 3-ի համաձայն:

6.2. ՀՏՁՀ-ն պարտավոր է իրականացնել ծրագրի ընդհանուր վերահսկումը և աշխատանքների տեխնիկական վերահսկումը, որպեսզի կատարած աշխատանքների ծավալը, որակը և արժեքը համապատասխանեն երկու կողմերի միջև համաձայնեցված նախագծա-նախահաշվային փաստաթղթերին:

6.3. ՀՏՁՀ-ն ԾԻԿ-ին կտրամադրի ուսուցում/կիրառելի հետևյալի վերաբերյալ.

- ծրագրի իրականացման մոնիտորինգ և վերահսկում:
- վերականգնված և/կամ կառուցված ենթակառուցվածքի շահագործում և պահպանում:
- ծրագրի ավարտից հետո ենթակառուցվածքի շահագործման և պահպանման մոնիտորինգ և համապատասխան հաշվետվությունների պատրաստում:

6.4. ՀՏՁՀ-ն կարող է իր նախաձեռնությամբ, տեխնիկական կամ ֆինանսական պայմաններից և պահանջներից ելնելով, կատարել փոփոխություններ սույն Համաձայնագրում, և եթե ԾԻԿ-ի նախագահի կողմից փոփոխությունն առանց համոզիչ պատճառաբանության չի ընդունվում, ապա ՀՏՁՀ-ն իրավունք ունի դադարեցնել սույն Համաձայնագիրը ու ծրագրի ֆինանսավորումը:

6.5. ՀՏՁՀ-ն պարտավոր է անմիջապես հաշվառել ԾԻԿ-ի կողմից ներկայացրած յուրաքանչյուր գեկուցագիր, որը կվերաբերվի ընդունված նախահաշվից կամ տեխնիկական պահանջներից որևէ շեղման:

6.6. ԾԻԿ-ի նախագահի կողմից սույն Համաձայնագրով նախատեսված պարտավորություններն անհիմն չկատարելու կամ ոչ պատշաճ կատարելու դեպքում, ՀՏՁՀ-ն համայնքի առջև իրավունք ունի դնել ԾԻԿ-ի նախագահի վերընտրության հարցը:

VII. ՏԵԽՆԻԿԱԿԱՆ ՎԵՐԱՀՏՎՈՒՄ և ՀԵՂԻՆԱԿԱՅԻՆ ՀՄԿՈՂՈՒԹՅՈՒՆ

7.1. ՀՏՁՀ-ն պայմանագիր է կնքում տեխնիկական վերահսկչի հետ ծրագրի տևողության ժամկետով շինարարական աշխատանքները վերահսկելու համար սույն Համաձայնագրի 7.2 կետում սահմանված կարգի համաձայն:

7.2. ՀՏՁՀ-ն ընտրում է տեխնիկական վերահսկիչ մրցութային կարգով, հրապարակելով հետաքրքրվածության ներկայացման հրավեր, և ստացված առաջարկների հիման վրա կատարում է համաձայն հրավերի պահանջների:

VIII. ՇԻՆԱՐԱՐԱԿԱՆ ԱՇԽԱՏԱՆՔՆԵՐԻ ԱՎԱՐՏԸ և ՀԱՆՁՆՄԱՆ-ԸՆԴՈՒՆՄԱՆ ԿԱՐԳԸ

8.1. Ծրագրով նախատեսված բոլոր աշխատանքների ավարտից հետո դրանց ընդունումը կատարվում է ՀՏՁՀ-ի և այլ շահագրգիռ կողմերի մասնակցությամբ՝ նախագծա-նախահաշվային փաստաթղթերի, կատարողական ակտերի և այլ անհրաժեշտ փաստաթղթերի ու տեխնիկական պահանջների հիման վրա: Կատարումը բավարար համարվելու դեպքում կազմվում է Շինարարության տվարտական ակտ՝ ըստ սահմանված ձևի (տես Ղեկավար ձեռնարկի Հավելված 22), որը ներկայացվում է ԾԻԿ-ին:

8.2. ԾԻԿ-ը յոթ օրվա ընթացքում պետք է ստուգի ներկայացված կատարողականը և Աշխատանքների հանձնման-ընդունման ակտը, ընդունի այն՝ ստորագրելով, կամ մերժի՝ ՀՏՁՀ-ին համապատասխան գրավոր բացատրություն ներկայացնելով:

8.3. Եթե կատարված աշխատանքների հետ չափանշվող պատճառով ԾԻԿ-ի նախագահը չի ստորագրում Շինարարության ավարտման ակտը, իսկ ընդունող հանձնաժողովի մնացած անդամները համարում են, որ կատարված աշխատանքները համապատասխանում են գործող նորմերին և պայմանագրի պահանջներին, ապա հանձնաժողովը ստորագրվող ակտում արձանագրում է այդ փաստը, և ակտը հիմք է ծառայում կապալառուին անհրաժեշտ վճարումները կատարելու համար:

IX. ՀԱՄԱՁԱՅՆԱԳՐԻ ՓՈՓՈԽՄԱՆ ԿԱՐԳԸ

9.1. Սույն Համաձայնագրի պայմանների յուրաքանչյուր փոփոխություն պետք է կատարվի հետևյալ կարգով՝

9.1.1. Յուրաքանչյուր առաջարկություն մյուս կողմին ներկայացվում է գրավոր:

9.1.2. Առաջարկության հաստատման դեպքում կազմվում է համապատասխան միացյալ փաստաթուղթ, որը պարունակում է այդ փոփոխությունների հետևանքով առաջացող հնարավոր ֆինանսական, տեխնիկական և ժամկետային փոփոխությունները:

9.1.3. Նման փոփոխությունները դառնում են սույն Համաձայնագրի անբաժանելի մասը:

9.1.4. Վերոհիշյալ կարգը խախտելու դեպքում ցանկացած փոփոխություն համարվում է անօրինական:

9.2. Եթե աշխատանքը չի ավարտվել կապալառուի հետ կնքված պայմանագրում սահմանված ժամկետում, և պատճառները պայմանավորված են՝

ա. երկու կողմերի համաձայնեցված լրացուցիչ աշխատանքներով,

բ. ԾԻԿ-ի կամ կապալառուի ազդեցության ոլորտից դուրս գտնվող պայմաններով, ինչն ընդունվում է ՀՏՁՀ-ի կողմից,

ապա կապալի պայմանագրում սահմանված ավարտման ժամկետը կարող է երկարաձգվել կողմերի գրավոր փոխհամաձայնությամբ:

9.3. ՀՏՁՀ-ն իրեն իրավունք է վերապահում մասամբ կրճատել կամ մեծացնել սույն Համաձայնագրով նախատեսված աշխատանքների ծավալը: Նման դեպքում սույն Համաձայնագրով նախատեսված ծավալներն ու արժեքները համապատասխանաբար փոփոխվում են:

X. ՀԱՄԱՁԱՅՆԱԳՐԻ ԳՈՐԾՈՂՈՒԹՅԱՆ ԴԱԴԱՐԵՅՈՒՄԸ ԿԱՄ ՆՐԱ ԼՈՒԾՈՒՄԸ

10.1. ՀՏՁՀ-ն ցանկացած ժամանակ իրավունք ունի հիմնավորված պատճառաբանությամբ լուծել սույն Համաձայնագիրը:

10.2. Եթե Համաձայնագիրը լուծվում է ԾԻԿ-ի կողմից այն խախտելու պատճառով, ապա ՀՏՁՀ-ն կարող է պահանջել ԾԻԿ-ից վերադարձնել իր կողմից կապալառուին վճարված ամբողջ գումարը, կամ նրա որևէ մասը:

10.3. Եթե ՀՏՁՀ-ն լուծում է Համաձայնագիրը ոչ վերը նշված պատճառներով, ապա նա գրավոր տեղեկացնում է ԾԻԿ-ին աշխատանքների դադարեցման պատճառի մասին և հինգ աշխատանքային օրվա ընթացքում պատրաստում է աշխատանքներն ամփոփող կատարողական և կապալի պայմանագրի լուծման ակտերը: Դրանից հետո Համաձայնագրի գործողությունը համարվում է դադարեցված, և Կապալառուն պետք է ստանա վարձատրություն կատարված աշխատանքների արժեքի չափով և փոխհատուցում՝ պայմանագրի լուծման պատճառով իրեն պատճառված վնասների համար՝ ՀՀ օրենսդրության համաձայն: Հնգօրյա ժամկետից հետո ԾԻԿ-ի կամ կապալառուի կողմից ՀՏՁՀ-ն որևէ նոր պահանջ չի ընդունում և լրացուցիչ փոխհատուցում չի կատարում:

XI. ՎԵՃԵՐԻ ԼՈՒԾՄԱՆ ԿԱՐԳԸ

11.1. Տարաձայնություն կամ վեճ ծագելու դեպքում կողմերը ջանում են դրանք լուծել բանակցությունների միջոցով:

11.2. Այն դեպքում, երբ վեճը հնարավոր չէ կարգավորել 11.1 կետում նախատեսված ձևով, ապա կողմերը դիմում են դատարան:

XII. ՀԱՏՈՒԿ ՊԱՅՄԱՆՆԵՐ

12.1. Ֆորս-մաժորի դեպքում գործում է ՀՀ օրենսդրությամբ սահմանված կարգը:

12.2. ԾԻԿ-ը, ծրագրի աշխատանքներն սկսելուց հետո, մեկ շաբաթվա ընթացքում ծրագրի իրականացման շինհրասպարակի երեսուցող տեղում պետք է փակցնի և մինչև աշխատանքների ավարտը պահպանի ցուցանակ, որի մեջ նշվում են ՀՏՁՀ-ի, համաֆինանսավորող կազմակերպության կամ բարերարի (եթե առկա է), համայնքի և կապալառուի անունները:

12.3. ԾԻԿ-ը՝ համապատասխան պատասխանատու պաշտոնյաների հետ համատեղ պարտավոր են իրականացնել Ծրագրի առարկա հանդիսացող ենթակառուցյի պատշաճ պահպանումը և շահագործումը՝ ըստ Հավելված 11-ում ներկայացված Պլանի: Ենթակառուցյը չի կարող օտարվել, սեփականաշնորհվել կամ օգտագործվել այլ նպատակներով Ծրագրի ավարտից հետո 15 տարվա ընթացքում: Այս պայմանի խախտելու դեպքում ՀՏՁՀ-ն իրավունք ունի ենթակառուցյի սեփականատիրոջից ետ պահանջել և ստանալ Ծրագրի իրականացման համար իր կողմից ծախսված գումարը:

XIII. ՀԱՄԱԶԱՅՆԱԳՐԻ ՏԵՎՈՂՈՒԹՅԱՆ ԺԱՄԿԵՏԸ

13.1. Սույն Համաձայնագիրն ուժի մեջ է ստորագրման պահից՝ մինչև ավարտման ակտի ստորագրման օրը:

XIV. ԱՅԼ ՊԱՅՄԱՆՆԵՐ

14.1. Բոլոր այն հարցերը, որոնք չեն նախատեսված սույն համաձայնագրով, կարգավորվում են ՀՀ գործող օրենսդրությամբ:

14.2. Համաձայնագրին որպես հավելված կցվում են հետևյալ փաստաթղթերը՝

Հավելված 1 ԾԻԿ-ի լիազորագիրը

Հավելված 2 Ծրագրի ընդհանուր նախահաշիվը

- Հավելված 3 Շինարարական աշխատանքների մանրամասն նախահաշիվը, գծագրերը ու տեխնիկական պահանջները և պայմանները
- Հավելված 4 Նախնական Համաձայնագիրը՝ հավելվածներով
- Հավելված 5 Ծրագրի վերջնական փորձաքննության հաշվետվությունը՝ հավելվածներով
- Հավելված 6 ԾԻԿ-ի կողմից պատվիրված մասնագիտացված նախագծա-նախահաշվային աշխատանքների և շինարարական աշխատանքների պայմանագրերը և վճարման փաստաթղթերը
- Հավելված 7 Մրցույթի անցկացման կամ “Գնանշում” ընթացակարգով գնման կարգ
- Հավելված 8 ԾԻԿ-ում պահվող փաստաթղթերի ցանկը
- Հավելված 9 ԾԻԿ-ի կողմից հայտարարությունների վահանակի վրա փակցվող փաստաթղթերի ցանկը
- Հավելված 10 Շինարարության ավարտական ակտի ձևը
- Հավելված 11 Ենթակառուցյի պահպանման և շահագործման պլանը

XV. ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՅԵՆԵՐԸ.

Հայաստանի Տարածքային Զարգացման Հիմնադրամ
 Հասցե՝ 0037, ԵՐԵՎԱՆ, Կ. Ուլենցու փ. 31/1
 ՀՎՎՀ 00846441

Հ/հ 1510032335590600 Արարատ բանկ ԲԲԲ
 քաղ. Երևան, Պուշկինի փ. 19

Ծրագրի Իրականացման Կոմիտե
 Հասցե՝ Արարատի մարզի, գ. Երասխ, Երևանյան խճուղի, 8/2
 Հեռախոս՝ 044 610 111

ՍՏՈՐԱԳՐՈՒԹՅՈՒՆՆԵՐ

ՀՏՀՀ-ի կողմից

ԾԻԿ-ի կողմից

Գործադիր տնօրեն՝ Կիրակոսյան

ԾԻԿ-ի ղեկավար՝ Ռ.Օղիկյան

